

叢書集成新編 第七二冊目錄

文學類

詩別集—清

解春集詩鈔三卷	清	紀映鍾著	金	陵	一
飲水詩集一卷	清	馮 景撰	抱	經	三二
積書巖詩集一卷	清	納蘭性德著	粵	雅	四五
沙河逸老小稿六卷	清	劉逢源著	畿	輔	五四
南齋集六卷	清	馬曰琯撰	粵	雅	六六
月山詩集四卷	清	馬曰璐撰	粵	雅	九三
王義士輞川詩鈔六卷	清	恆 仁纂	藝	海	二二八
餅水齋詩集十七卷	清	王 雲纂	藝	海	一四四
餅水齋詩別集二卷	清	舒 位著	畿	輔	一六五
烏魯木齊雜詩一卷	清	舒 位著	畿	輔	二七五
玉井塞蓮集一卷	清	紀 昀著	借	月	二八七
金闕攀松集一卷	清	嚴長明著	金	陵	二九五
萬善堂集十卷	清	嚴長明著	金	陵	二九八
童山詩集四十二卷	清	李化楠著	函	海	三〇二
粵東皇華集四卷	清	李調元著	函	海	三三〇
萬壽衢歌樂章六卷	清	李調元著	函	海	四七四
月滿樓詩別集八卷	清	彭元瑞撰	聚	珍	四九三
蠡塘漁乃二卷	清	顧宗泰著	讀	畫	五一八
	清	吳 騫述	拜	經	五四二

拜經樓集外詩一卷附珠樓遺稿	清	吳 騫撰	拜	經	五五七
芳茂山人詩錄一卷	清	徐 貞著	平	津	六〇三
長離閣集一卷	清	孫星衍撰	平	津	六〇三
煙霞萬古樓詩選二卷	清	王采薇撰	粵	雅	六二七
仲瞿詩錄一卷	清	王 曇撰	粵	雅	六二七
玉山草堂續集六卷	清	徐渭仁輯	粵	雅	六二七
紅蕙山房吟稿一卷附附錄	清	錢 林撰	粵	雅	六三〇
船山詩草選六卷	清	袁廷樞撰	知	不	六五二
學經室詩錄五卷	清	張問陶著	士	禮	六六〇
宮詞小纂三卷	清	石韞玉錄	文	選	六八五
	清	阮 元著	借	月	七一
	清	張海鵬輯			





薈叟詩鈔序

吾郡詩人。斷自晉始。漢魏無聞焉。稚川貞白。瑯琊諸王。匆匆六朝。粲然作者。爰及有唐。少伯文昌。一時輩出。宋元而下。代不乏人。蓋金陵王氣。不以秦亡。煙水故都。風扇文物。伯紫以鍾山遺老。生長其間。凡所以可泣可歌者。僉托乎詩。而蒼涼出之。故名其集曰真冷堂。案詩徵載紀。子復有補石倉集。樂堂詩鈔。此曰薈叟詩鈔。不識卽樂堂否。蓋所著都沒。是仍江陰繆丈抄贈也。余宦江右。忽忽四載。每當無俚。積習斯來。非第鄉獻所珍。亦以世變斯亟。古調自愛。今人不彈。倘際緒之弗緜。將高吟而永絕。嗚乎。山河不改。能招故國之魂。天地無情。終化咸陽之炬。光緒三十一年秋八月下浣。江甯傅春官。識於江右北湖趙園。

薈叟詩鈔序

原序

嘗慨聲詩一道。古今紛沓。而情深者傳焉。故文章千百言不盡者。詩能以片語收之。至於動天地。泣鬼神。海枯石爛。不滅不磨者。發乎情也。若夫文士騷人。無所感觸。漫成比興。正如夏蟲語冰。秋蟬語燠。安擬寒暄。徒詞費耳。無益也。祇取譚焉。吾友紀子伯紫。蓋天下之有心人。也。情瀾智嶽。多烈士之氣。所悲者。秋風禾黍。所傷者。古道淩夷。蓋天下之有心人。也。撫今溯往。感時觸緒。爰有故宮。兵至。錄別。諸作。激楚鳴咽。多變徵之聲。讀者不忍終篇。嗟乎。紀子。蓋嘗寓長干。走南越。語云。其陰而息。固有將別之悲。況乎故宮梓里。鞠爲茂草。并州舊遊。兵燹幾盡乎。宜其言之長而詞之痛也。紀子悲天憫人。喉開腦上。原有一種憂鬱憤惋之概。他他難吐。寄之聲歌。託之篇什。一往而深。所謂發乎情者。紀子有焉。抑余於故宮作。尤深慨思。昔商之孫子。其麗不戢。而感黍離悲麥秀者。獨一箕子。今天下文士騷人。不少概見。而賦故宮者。獨一紀子。悲夫。情之所鍾。正在我輩。觀夫大川廣谷。荆棘生焉。海不可蹈。微不可采。吹蕭無市。被髮無山。激楚鳴咽。爲變徵之聲者。獨一紀子哉。西陵同學弟趙明璫珍留撰。

薈叟詩鈔原序

編詩紀年古法也。誦詩論世。初盛中晚。猶正變也。嗟乎車輪馬跡。西京杳然。四國輅軒。慨也永歎。詩亡史作。存年表世。春秋與詩實相表裏。然而尋聲入變。工律之士。咸知正汎中餘。一時之中。互有升降。一人之手。自具初中。循彼作者。莫之或知。匪具通才。罕有淵鑒。鍾山紀子伯紫。少壯倚脣。早譽東南。垂三十載。名山其人。燕薊以北。閩粵以南。吮毫角札。靈光巍然。下至島嶼蠻隸。性苟能吟。爭奉拱壁。義湯紀子有異人之心。天外之操乎。嗟乎。詩之不足於言者。必先繼於志。聲之不依於永者。必律和於聲。文象周爰。無字不叶。孔贊十翼。靡前不諧。矧八音錯綜。若臣五倫。經緯宮商。動天地。和鬼神。有聖天子清廟明堂。陳詩定樂。齊奏唐儉。鄭女衛男。無不可蕩邪穢而消渣滓。矧變雅令頌。不可進於精純之域。而優入於聖人之徒歟。紀子之詩紀年。或以爲少陵宗工。老漸律細。或以爲處士歸來。不忘永嘉。或以爲振羽動股。言念斷風。或以爲楊柳雨。雪。況瘁僕夫。似則亦似是則未是。紀子不夷不惠。亦元亦史。嗚呼。孔墨畏學。祭酒。憂詩。嗚呼。紀子之不幸也。名王貴人。尊之爲師。紀子不願與友。執圭貫纓。事之爲父。紀子照之若孩。洞洞屬屬。天光四射。視融司方。沐浴百寶。紀子望之似木。隨之如淵。紀子愚人之心也。哉。紀子騷自爲經。亂以見志。始子殷憂。終于自然。亦大禹治水。義和治律之智也。巡文提考。疑狂傷狷。大雅明哲。其然豈然。昆盧開舊社。盟第汪沐日。今釋益然濟。序。

魏史詩鈔目錄

卷一

- 鍾山道中感懷
- 真州謁文山先生祠
- 于皇杜二移居
- 喜孝威來自門
- 宋楊忠襄公明方正學先生墓同在梅園上
- 黃侍中祠
- 百憂集行
- 贈友蒼法師
- 過露筋廟
- 海州贈路學正
- 南京功臣廟

題更詩鈔目錄

董子北游
贈李太虛宗伯
元武湖
烏龍潭
五家村
送董子歸泥水
雙杜湖送鄭秀才
渡黃河
宿連水
次板浦
道旁廢屋行
烈火引爲梁公伙妻死李自成之難作
僕病道歸時在寶應
小宛詩爲冒辟疆作
春盡日泊舟淮陰垂釣處
東穆信
江雲
舟雨
城邊路
雨中過天界寺
潤州道中
逢何次德
郭下弔魏武帝
車騎關懷古
午日行次新樂縣
楊椒山先生祠
贈宋玉叔
送臥侯南歸
送客
野行

題更詩鈔目錄

二

題更詩鈔目錄

送宋荔裳食憲河東
何日遂巖栖
五烈井爲甯晉張孝廉母婦弟婦作
贈李過庭太史
胡四庸借馬歌
二君子行別楊猶龍學士魏石生都諫
過黑石嶺宿壽陽縣
芹泉道中
酬鄧錫
雨夜強飲
雁門關
甯武關
偏頭關
聞山水發
晉陽署中偶懷
七夕雨中
同戈驛
漳水源
登太行絕頂
擬古謠
愚上人靜室
虎邱對酒簡遠林
題稽磐石心遠堂
劉東平廢第
曹縣送陳宗來
訪邢白雲
冉桐三賢祠
濟甯南池
曲阜謁先師廟堂
顏井

題更詩鈔目錄

杏壇觀祭懷姚伯石

觀祭之次日爲子生日感賦

賈東山居四年矣從令子國士問其近狀年七十健甚寄一詩

其江春興

千秋行

劉寄奴井

寄懷天放上人

孝女歌

廣陵夜泊

北風吟

歷陽寄懷

孫氏五烈井歌

王氏五烈詩兼簡季子伊皇

追弔房貞靖先生

僞吳張士誠故址

卷二

東汪五河夢游黃山

靈隱寺同柳公韓作

三宿彥遠水檻

舟過東余憶眉老人

溯湖道中

過鹿城

雨阻虞山之游

虞山送春

弔李金兒墓

西軒爲邱季貞題

雨止梁化爲見過山居

赤石磯柳花下盡集

同孫豹人江上看月

贈徐卿

桑墟

老鶴亭

公路浦

舟中望攝山

聖秋至自薊門得楊猶龍方伯書兼有所贈賦謝

宣廟御筆歌爲菊溪憲長作

金陵故宮

柴門

登雨花臺

公路浦送別

沙湖紀義

邵村紀事

讀下志喜

臘月十五夜月

漂水夜發

張烈婦詩

睢陽湯烈婦罵賊殉城死

寶應舟中與錢席雲夜話

淮上聞雁作

曉發程陵閣

嘉平月夜歌贈周菴

贈魏環溪都諫

送姜九之太原

與張敬儒話舊

李過庭參藩河內

送叔夜韓六令永嘉

雪中懷沈友聖

至孝爲錢里張母頌

暮春諸集柳湖送韓叔夜之水嘉徐存水之中牟黃仲丹之東萊方孟甲之平陽予亦將往福州

擲發

夏鎮簡顧見山水部

懷柴丈戒生

舟晚

東昌府

雨後得殘酒無燭舉火謀之初嘉以嫂氏鏡奩中澤髮之膏相貽感而成詩

地震

女姬姜

海濱優

三婦泣

海濱吏

運糧難

運草苦

難歌

漁父編

寄錢塘彥遠

雲客傳樸園詩來因和以志喜

延津山寺訪陳昌箕博士

南歸過仙霞嶺聞芝麓左選卻寄

送丁野鶴辭官歸瑯琊

南京司馬歌贈陳微菴使君

金陵秋感

將往盱眙

到盱眙存永留酌山館

謁沿州陵

送存永之中牟

臘月二十八日雨中獨坐

卷三

大雪次履招飲以病才赴用韻簡謝

喜樸園歸

題更時鈔 目錄

雪珂上人過訪時子將園游

湖上逢曹秋岳都憲

題嚴先生祠

江郎山

富沙晤朱蒿菴都諫時以言事竊司獄

三山七夕

懷陪六大參

遣安草堂歌爲雲客作

閏七月二日曾惟佐池上行

答余倅侄

送陳謙六還淮上時省兄大參于閩

五代閩王墓

池上尋雲客

中秋微雨書懷

鼓樓行 詩微有福州二字

過帳行

寓目

別陪六大參

贈別法黃石大參

三山逢蔣穎揆

毛文山招集有介草堂兼志別

贈林伯喬孝廉

小澗夜泊

飯夢筆山山爲杖人祖庭

益公贈方竹

送五竹游廬山

拜玉菴歌爲樸園司農作

題無意老衲扇

送余鴻客遊東粵

元府

題更時鈔 目錄

欲尋漆園故跡苦熱不果

濟陽城光武生處

張不二先生絕命辭暨河村先生和詩在歷陽樓雲觀壁間王沙菴以雙鈞本見贈歌以答之

小至抵家

尋花

再遊桃花塢

江深閣

暮春雞豆塘上作

送何偶園游西陵

習懶口號

送孟遷還若耶

送謝參軍

題博士張伯明先生忠烈冊并簡令嗣公望

送程石門還鎮滇中

九月晦日同司馬公及諸上人詞流登仁壽寺閣次韻

送羅菴返五龍

送徐合素之甘州

送張雪舫

慈祥蘭若訪道安禪師

香山寺

洪光寺

臥佛寺

碧雲寺

贈汾陽令

送沈聲聞之汝南

贈沈塘仙將軍

何升臺侍御書室落成

遠公以黃山遊紀相示奉答時雖言有史筆

退谷孫公所藏謝道韞紅絲石硯歌

小憐詩爲性華作

送郭皋旭之大梁

送蛤菴還平陽

上巳

送李條侯歸灘水

寄袁重其處士

賣船行爲愚山使君作

徐電發過飲賦詩次韻答之

雪灘釣叟歌寄顧茂倫兼送電發

答劉溪巖菴上人次韻

答永公寄竹杖

胡妙山還白下

陳澹持還西湖

古留村

寄嘉客

力臣以文孝先生傳見示

答天臺

慈仁松下寄許竹隱冊子

二哀詩

暮春有感

垂楊

送元立菴

與鄰僧超上人

送王木公之東海兼寄友筠伯仲

答鹿牀

送姜二學在還吳門兼寄周子佩子潔李廣公

鹿牀貽詩詢及先節感答

寶墨不果成賦

仙裳索詩贈碧水山人

隋六歸自隨西晤于廣陵作此誌喜

題覽詩鈔目錄

一八

中秋夜宋射陵見過

予與孟起弟同出晉賢之後南北雖分氣誼不隔丁巳權關江上予從吳州相訪出詩稿屬訂走筆

紀事并贊教亭姪

贈李明慈

雨雪寄懷

上巳日王牧之過齋中出襖帖暨仇十洲桃源圖同觀因題二絕

雨後寄成

憶金陵舊遊

茅嶺書署中過訪

贈陳薇初

訪蕭靈隱

贈初菴

吳山太師講易廣陵承惠古體奉答二十四韻

齋晚

風夜

閉關

春興

過燕磯未登弘濟寺憶容生兄弟

江亭再集同玉式豹人學在次約人韻

閏八月十四日殿臣招集西美園同漢西春霖衛公半與諸子

李劬菴舟在江干示以敦好堂集便欲放舟郭清詩以送之兼寄子園方伯

贈汪子真

庚申九月寄懷

寄趙客菴兼懷吉水樵月如玉并弔烟伯揚子

春分前一日同會公蔣生若思亮工清生集齋平五園居

讀劉文成公集

聞河決

慈叟詩鈔卷一

鍾山道中感懷

清上元紀映鍾著

正陽門外地圖雄禾黍離離路不窮草棘圍邱狐跡獨山童寢殿鳳窠殘傷心落日驅羸馬矯首秋雲失斷鴻慙愧神宮我內侍白頭無語淚西風

宮闈流水咽秋聲曾有書燈雪寶明翠枯已空梁代寺白雲長抱漢家榮荒荒三戶栖烏定嶢嶢高閣瞰馬行十載流離愁過此夕陽風掃半山晴

真州謁文山先生祠

落木荒祠野水濱重過饑食拜階塵狀元宰相完名是取義成仁識字真隔浦秋山爲俎豆掃門村婦辨君臣雅言盡惟心史卻訝黃冠語不馴

按國處當是不字

于皇杜二移居

亂離無定處歲歲賦移居忽舍牆東竹愁看牀上書春風還赤甲夜雨夢黃初王鶴平生客規模照左開

喜幸威來白門

海嶠麻鞋隔數峯。霜高來聽白門鐘。漁樵推駕無人識。風雨沈冥特地逢。任醉石牀秋被共。尋詩山屐白雲從。道書地肺藏空閣。與子何年啓雪封。

宋楊忠襄公明方正學先生墓同在梅岡上

方楊墓木出高林。霜葉年年血漬深。絕士來殊死。兩朝人是一朝心。江流不斷孤臣影。天網常生太古音。寂寂梅岡明月夜。隔牆呼共景公吟。景中丞墓亦在焉

黃侍中祠

侍中祠畔柳藏鶯。廟貌如生薦芷蘭。石上影留貞婦魄。門前水較汨羅清。忍看燕鷺巢春殿。不吐鸞龍起夜旌。稽首草堂風蕭蕭。荒城白日走昆蟲。

百憂集行

今夕何夕百憂集。燈明酒冷極胸臆。鬚頭老學人啼。朔風莽莽吹四極。男兒失意口棘棘。手足踣踣面如墨。深山遠水去不得。山有魅兮水有蛟。嗚呼百憂集兮可奈何。壯心不死聊復歌。

贈友蒼法師

翠微山居山轉崦。瓦官寺裏雲歸竹。道人十歲此中住。秋雨春烟半開屋。山中歲月多閒心。山下鐘聲聞朗讀。白雲如水翻階上。此句當年稱絕唱。松光在笠雪在心。獨出孤峯無倚傍。金臺一去二十年。廿年中事拾風船。紫柏家資成隔世。金門弟子空雲烟。長于舍利千年寶。蒲團放處梅花好。獨卷雪浪不可作。公也英姿追二老。長辭天北苦風沙。特少嶺南開葛嶽。相思莫莫意憶憶。丁甯尺素誰相從。世間萬事無快意。一邱只足安孤筇。翠雲樓閣不可見。今日宗門此臥龍。

過露筋廟

生事魚蝦傍湖人。幾家春齊春護岸。潮起夜浮桂。斷碣何朝字。殘陽野渡花。聞過露筋廟。饑食更咨嗟。

海州贈路學正

海上名州古戰場。先生移作讀書堂。夕陽過水沙如雪。漁戶迎潮蛤補牆。風洗大川開洞穴。道行荒澤重文章。閉門父子真師友。庭草春深作意長。

南京功臣廟

龍飛淮甸洗垢穢。四海鱗鱗會不期。漢代文章開國少。唐家將略中興奇。英雄拔擢膺殊錫。草昧經綸樹異姿。莫道荒祠成灌莽。雲臺何日又岐疑。
肅肅靈眉颯有神。鳳麟麟虎涉恆倫。周廷五等朝南面。天闕羣星翊北辰。祐士何勞王是假。風塵特識主爲真。獨憐鳥盡良弓在。千古高皇一聖人。

董子北游

燕市多奇士。相逢定酒家。春歸玉河柳。月落杜陵花。陵履何門好。鳴珂古道斜。行行須取道。天北苦風沙。

贈李太虛宗伯

海內尊翁。南州獨若翁。一書黃石署。廿載黑頭公。君豈哀王粲。吾將倚伯通。樽開櫻笋節。同酌畫圖中。

元武湖

漢高入咸陽。蕭何抱版圖。豈惟功績大。識與衆人殊。遠歷苦戰爭。大地如焚枯。神龍騰淮甸。奮烈四海蘇。民爲上帝寶。細細難眉鬚。深防武庫火。置此元武湖。中央墳大阜。夏屋千百區。穀別精勤吏。鱗尾換輶轎。聖祖親祭享。神物鑿東隅。黃門薦我義。秉笏代天敷。塵脂即岳積。永絕龍與鼯。及昏嚴燭火。悄然明月孤。湖爲鍾山鏡。山如湖上姝。青葱涵晶品。長與天北與。每登蓮鳴峯。下覽湖中蒲。湖鯽巨如鯉。腹隱一尺腴。禁方重監守。生物遂昌濡。五侯縱驕貴。不敢充庖廚。可憐今竭澤。波及湖上堦。

烏龍潭

龍潭禁城內。雖小亦巨澤。自然處西偏。遠如避世客。古觀晉唐遺。名園隆萬宅。宜雪再宜雨。宜隱亦宜謫。松濤白日飛。荷葉遠天碧。在昔中丞公。學佛鑒鐵脊。乘家入無生。放生意成癖。鳥影摩天空。魚弄波聲落。注注千頃陂。積鱗燭燭迫。巨舸載沈江。生意取相適。老僧呪喃喃。永斷刀砧赤。講藝集諸生。野蒙盡前席。微言烈然來。如霜面皮揭。高格離人羣。其風儼壁竅。歎息斯人亡。澄潭空日夕。

五家村

孝侯滋畔五家村。野水橫天盡掩門。落日在簾無客到。秋葉葉大竹行根。

送董子歸灤水

三山門外月。秋與客平分。浦夜初開雁。霜明獨送君。風懷灤水捷。一隔廣川文。習習征帆發。江聲迴不羣。

雙社湖送鄭秀才

雙社湖邊野荻香。西風如箭送歸航。十年垂釣雙蓬艇。千里看山一葉樞。雁影斜分秋水白。客心初老菊

花黃荒城古閣無端淚。獨捲蓬窗數夕陽。

渡黃河

黃河接東海。道路遠且長。白楊風蕭蕭。吹彼落日荒。孤城蘆荻中。四顧徒皇皇。病馬嘶寒烟。老馬立平岡。中歲倦干役。筋力匪故常。捨鞍復望楫。意緒如亡羊。曉鴨無匹儔。鴈懷多蘊傷。漁鹽藏聖士。販糴亦侯王。英雄皆瓦注。感此悲浪浪。

宿灤水

灤水百里遙。舟行四晨夕。邪許無甯休。老稚不暖席。北風勢轟天。來朔疾如射。力竭一篙中。進寸挫已尺。向晚難居停。煩煩走瓦石。共言郡兵過。生氣盡蕭瑟。衰婦無人形。丁男殊枯瘠。奇媛賴草藹。大烹惟棘實。前山猛虎豪。亦是久飢客。不寐生戒心。擁褐待窗白。

次板浦

板浦對青嶺。海氣白如練。巨魚吹潮頭。怒與風伯戰。餘威散爲雨。大注迴瀾旋。鮑鮑失故居。漁人恣吞膾。震掀屋上茅。藕心幾驚顛。日月此中生。金九舒一綫。茲來月十五。元陰塞四面。誰能撥層雲。見此雙寶鑑。載拜塵土中。老目堪一瞬。

道旁廢屋行

寒穿穿瓦風撼撼。云是前人萬金宅。水晶屏掩舞衫紅。至今惟見秋蟾碧。寒天賦沙野鷗啼。老婦抱鉏拾衰草。過客揚鞭如不聞。崎嶇欲上長安道。

烈火引爲梁公狄妻死李自成之難作

猥獷射天赤日淫。商郎令妻笑男子。端坐高樓一炬焚。三千餘人同日死。不信人間有巾幗。最奇腰亦田橫客。椒閣郁鬱斷離魂。紫玉飛烟血穿碧。至今俎豆如古賢。白衣帶月立臨隨。湘妃竹瘦冬青老。夜夜秋風哭杜鰲。當時令亦殉城關。昇出荒郊存一髮。丈夫不死固有神。長歎多慚地下人。

僕病能歸時在寶應

僕病能歸早。予衰尙遠征。傷心看逝水。直到石頭城。

小宛詩爲冒辟疆作

妝閣晨開柳露乾。日長清課自生歡。洞山茶片溫泉滌。閨閣蘭條膩指搏。香綉四窗金屈戌。雙鋪三畝碧琅玕。章編竹冊居然較。轉憶幽思寫素絃。

輕風輕風送過庭。爲君白石坐溪光。花殘夕露連心靜。玉抱秋燈具體香。女伴懶要雙陸劇。硯山頻做十三行。閉門夫婿兼師友。深翠堂中仔細商。

薌心玄雲難鏡邊。前生應是妙對仙。曾聞荷令傷才色。莫怪風人訝帝天。羅綾雙握湘水步。若華小字漢文鵲。最憐義禮防身惜。不弄繁思五十絃。

澹雨閒雲過綺疏。米峯嵌曲澗窗虛。優曇花散房中曲。貝葉經繡衛女書。春冷和衣籌酒減。香留廣袖睡華疏。無端忽夢封侯事。燕盡梅梢自傲除。

春盡日泊舟淮陰垂釣處

楚州城郭扼通津。班舫維隄次比隣。三十日前花事盡。二千里外客途新。殘春尙寄魚鹽市。弔古偏逢騎鶴人。禿樹孤亭沙半圯。篷窗閒坐數車塵。

東隱情

程子好閉關。衡門帶秋草。寂寂懶窺園。孤香自能保。對婦嘗苦吟。抱兒弄詩稿。釀酒貴官法。獨醉脫空昊。齋仄容兩人。焚香地頻掃。笑他結平原。豈能尸賈島。偶夢五岳游。卻愛嵩山好。白雲騎碧松。黃冠勸歸早。其人悔名高。烈士悲身老。用心各有期。總不爲塵潦。

江雲

江雲作秋色。江水亦微波。游子意何極。涼風初渡河。烏啼邗上柳。白下木蘭歌。不寐行吟者。月明愁轉多。

舟雨

兩月大河隈。歸心日幾迴。篷窗初睡足。江雨帶秋來。馬度孤城夕。風生遠笛哀。客中生事簡。石火照空杯。

城邊路

城邊路。歌聲處。十年變爲墓。十年翠爲田。十年成淺渡。

雨中過天界寺

城南開佛寺。深雨暗梧楸。近接前王塚。傷增故老愁。龍文交梵帙。鳳勢竄崇邱。萬井蕭條色。孤懷一倚樓。

泗州道中

野風吹白草。霜鬢久相侵。楚漢爭王血。英雄過客心。長淮通水舶。中土變鄉音。聞戒紆前路。斜陽照短鐔。

逢何次德

匹馬出幽燕。相逢麥隴邊。風塵憐此日。意氣倍當年。劍舄昔游紀。碑趺問古賢。臨歧無可贈。芍藥纔鳴鞭。

郭下弔魏武帝

暮雨驅車望鄴城。老瞶多智此經營。中原大勢雄無敵。河朔良家健有名。道上騷除疑將相。膝前俊傑類蒼生。平沙懷古難愁劇。寂寂南飛鳥鶴情。

車騎關懷古

行盡中原九百程。鳩風麥雨送長征。面塵冷借漳泉滌。心塊墜從酒力傾。錦瑟邯鄲餘瓦礫。少年河朔自肥輕。車騎莫道無遺馬。主父雄謀笑老成。

太行山色翠冥冥

太行山色翠冥冥。麥飯疏櫺十里亭。溝壑深高人舊鑄。關梁近遠地難量。土多烈士輕生死。客有神仙喚夢醒。完璧堅城俱幻影。千秋頽血在羣甍。

午日行次新樂縣

晨風初定柳橫烟。忽卷黃塵障碧天。采蘋栖栖復岳遠。懷賢寂寂井陘邊。石榴紺色殊方女。火齊波光故國船。憔悴振衣沙縣晚。濁醪斟酌亦陶然。

楊椒山先生祠

我愛先生奮老拳。憑城狐鼠頂巔酸。風香豈獨吹櫛鎖。膽苦猶能配比干。俎豆千秋存嚴上谷。威儀一尺發危冠。而今卻憶籌邊事。文靖真當作聖看。

贈宋玉叔

宋家世出新輪雄。烈烈二朝政與踪。聲名一日走天下。文中之虎人中龍。出爲循良入諫議。儼然東序陳鎮鐫。琬也連枝呼小宋。嵯峨氣骨骨骨容。總耶讀破萬卷。提筆橫掃千人鋒。真辨陽虛探鳥跡。揮斥還固卑衡岳。浩如東海勢迴薄。峻比泰岱封長松。前年推闡澄江上。江水文心共秋壯。三百詩多憤發辭。蘇李曹劉對悽愴。宋子一簪手不釋。經營只覺神夷曠。謝眺山光照酒樽。天門中劈開屏障。方于蕭史閒追尋。振衣渺渺情孤宕。蒼身上下數千年。此道當今更誰讓。獨傷守命逢磨蝎。獨鶴野鷗曾同樹。含沙未中

忘機人積毀難銷真鐵骨長安瘦馬行蹤蹉跎掩壁屏側弁職立意皎然行已決隨情賦物篇尤多修召主爵君莫噴大川靈岳堪游衍圖朝二李皆外吏濟南乃是君鄉人清通簡要在山水殘碑屢齒關秋春看君學富年力殖應使名山借我開顏色

方處謂爾止尺木

送臥侯南歸

郭子總非聲愬愬文章有價稱江東燕寨岡頭鬱春樹數椽寄託如隆中閉門偶讀羽傳開戶卽見長
楊宮牀頭酒琤壓畫帙鹿門奔走皆豪雄六年循治闢隴籓書多暇登蛭峒構樓石山豎種柳微爲諫
議攜清風郭子才大氣真靜高言立見驚癡聾暫歸白門九月杪馬蹄蹀躞追霜鴻紫泥老人久相待秦
淮寒水梅岡松開樽話到月上壁鍾山翠色霏芙蓉念我枯魚過河泣看君霖雨從蛟龍

送客

送君燕市月，夢到虎林秋。只覺燈前酒，都成天際愁。嶺梅朝暮笛，湖水白蘋樓。不許新楊柳，牢牽欲放舟。

客舍厓空林頭忽有斗酒喜而有作

欲買宜簫瑟，還無鄧氏錢。林頭餘瓦缶，顧影遂陶然。客舍黃花少，天寒白拾偏。香醪亦偶爾，傾盡復堪憐。

野行

松聲古時日幽幽。陂水凝寒靜不流。下馬蒼蒼迷近遠。武皇壇壝白雲秋。

送宋荔裳僉憲河東

秦州雲外路使節出桓桓地迴黃河入山多白日寒淅淅搜殘骨韎韐舞龍圖行部隨楊柳春風拂錦鞍
才子屏游寄西陲地勢雄行邊威老上較士入湟中風過巖疆靖謄傳異域同輕裘日多暇作賦上盤峒
何日遂巖栖

何日遂巖栖

何日遂巖栖孤縈繁晚溪桃花無近遠艇子任東西雲繡丹崖迴燈懸碧嶂低月高來野客雙屐不沾泥
何日遂巖栖千章古木齊石頭踰屋北水口漲橋西雲白翠微遠天晴瀑布低空齋恆寂寂風或送黃鸝
五烈并爲甯晉張孝廉母婦弟婦作

五烈并爲甯晉張孝廉母婦弟婦作

戊寅之冬雷督陷張母挈四婦之死哲旦旦走避洋宮宮有井大言一家于此全腰領姑先之教婦從婦言婦少不死身卽辱姑老不與婦同姑婦推挽勢益急婦給姑姑死婦且生婦生終玷姑家聲姑給婦吾且生諸婦怡然以次投井水碎碎徐舉身躍從婦行志勇果神和平守者孰敢相枝撐一門五烈天地驚井泉至今徹底清謝侯賴侯錫佳名有子孝廉葉家耕松柏受命獨也貞

贈李適盧太史

讀史論文感慨中。夕陽殘雪禁城東。名符江夏無雙士。家有黃虞百歲翁。劍佩椒蘭歌古調。提攜枹鼓待羣雄。知君世業能張楚。賦就先應補國風。

雙時沙壩

題要詩鈔卷四

胡四庸借馬歌

公子學士之賢郎，軀幹磊落情慨慷。賦詩百篇不停腕，吟罷目送雙鴻翔。學士門庭多殊俊，公子盡與相顏頤。長安斗米錢八百，千指仰給當空囊。蕭然在貧顏色好，嘉賓猝至雜酒漿。內中父客楊與庾，授餐親與同書牀。一編對把白晝簡，戶外塵土如探湯。脫中兩馬並駿骨，騶驢不御神超騰。隙泥拖錦鑲沿，苦邊同臥綠沉槍。鍾山野老畏徒步，東家一騎材駑駘。故人置酒辭不脫，剝啄再至心茫茫。十次連借十不拒，牽來墀下神且王。拂衣跨出日當午，歸來落月在屋梁。長安車輔亂如蟻，溝深七尺橫路旁。路頗鉤輻爭喘息，駑駘難駕頻遺傷。君馬步上服銜勒，牌內穩適渾相忘。據鞍索句類槁木，弛轡蹀躞乘春陽。水隄碧波搖柳線，西山積雪連宮牆。老夫得意每獨達，自非君馬徒徬徨。安定家謨未凋削，公子古道長扶將。丈夫緩急貴有賴，季心劇孟今豈亡。富兒惜馬不肯惜，馬終終死衣火光。

二君子行別楊猶龍學士魏石生都諫

大璞無軼影孤桐寡繁音靜含泰初色超然橫古今所以英絕人智勇歸其沈山川盡南北天地惟一心鉅鹿柏鄉下君子予所欲鉅鹿破萬卷閉戶如深林鴻文出枕闥古調彈幽襟柏鄉富議論傑立明堂琛經綸資廟算曠思懸峯陰可爲豐年玉可爲大旱霖可爲脫免決可爲處女禁可爲遺癰疔可爲益氣參身尊督若下意動恆自籛西山有奇石白雪藏崎嶇天壇多芳樹歲久成蕭瑟予見二君子山高而水深忽發三晉輅將訪首陽平惜別且長嘯落日彈霜鐔

過黑石嶺宿壽陽縣

黑石嶺常關。停轡意獨艱。此行堪白首。盡日厭看山。寒出花雲外。田耕絕壑間。到來松下驛。好月照愁顏。

芹泉道中

五步一河流。洪波灑馬頭。萬山雲不斷。五月雨如秋。麥隴新陶穴。芹泉古辟樓。何能消腐食。併起十年愁。

酬鄧暉

知君多逸氣。茹古力能兼。奇士原生趙。參軍豈藉髡。山雲朝送雨。邊月夜窺簾。欲剪吳淞水。并刀近不銛。

雨夜強飲

雨夜強飲

強飲如無事。憂心切鼓鼙。濁河平地圻。懸磬萬家啼。問俗牛哀虎。謀生樹國羝。一燈如霧裏。不寐聽鳴雉。并州連夜雨。秋水漲汾河。萬嶺交陰氣。孤城俯白波。鄉心驚鷺築。驛使阻蛟蛇。霜令邊庭早。清商入浩歌。

雁門關

太原城北路。直與雁門連。秦月秋鳴鏑。并人夜控弦。地圖經百戰。山勢鎖三邊。西望銷兵久。凄其弔阪泉。

城北路

甯武關
偏頭關
張塘甯武道。此踞古樓煩。雙嶺雄開鎮。千家仰種屯。兵戈今已息。天地險猶存。蕎麥川前路。曾公尙有垣。
偏頭接甯武。隆伏地形奇。隔水收河套。攢峯固女陴。飽騰超距士。倏捷射鵰兒。三晉資屏蔽。曾經十萬師。

拉爾武

五
十
五
五
五

聞山水發

驛路河如織。輪蹄亂流。忽聞山水發。聲振南崖秋。密雨連宵下。飛章十日留。書空徒兀兀。歸夢越徐溝。

晉陽署中偶懷

太行天下脊。城郭半山中。設險峯爲戶。鳴弦月似弓。雄關包代北。戰士出河東。安得馳良騎。周迴覽故宮。劉琨清嘯地。寂寞未經過。已罷聞雞舞。空懷擊楫歌。隋唐留片碣。秦晉界長河。秋思隨邊草。朝朝送白波。

七夕雨中

天末逢佳夕。偏人傍五臺。明河埋古塞。積雨發秋雷。白雁雲中到。黃河口外來。傷心身世迂。霜雪滿頭催。

同戈驛

李花開出晉陽宮。義士同戈氣決東。衰草祇今無馬跡。滿山落葉戰西風。

漳水源

清漳發源處。淙淙紛白波。馬蹄逐漳水。計日到漳河。

登太行絕頂

西來雲氣接崑崙。匹馬登臨絕頂尊。崛起雄爲天下脊。巋然且作晉陽門。沁河一道穿漳水。上黨孤城俯太原。回首武靈餘舊國。暮朝荒堡自朝昏。

擬古謠

捨得郎。打得狼。捨得女。捉得虎。

越上人靜室

半路積雪板橋閑。一樹寒鴉屋數間。相見夕陽無別話。邀予同去看君山。

虎邱對酒簡遠林

對酒要離塚。髯公氣尚雄。江離游女佩。逕草舊王宮。遺恨增春雨。驚魂憎大風。不堪歸繡急。古寺一燈中。

題積磐石心遠堂

積雨城陰漲野塘。空階蘭芷自生香。人如白鶴餐松子。戶有丹絲製蜜房。心遠自來陶令醉。客來不厭次公狂。嶺然彈指驅沈疾。宿世應曾長太倉。

僞吳張士誠故址

荒墟斷草亂鴛宮。宿莽蕭蕭泣露蟲。誰見長弓射薊北。祇留雙塔倚城東。江頭破盡黃龍霧。浦上驅來猛士風。成敗無言流水綠。誰知王賈亦英雄。

魏 聖 詩 鈔 卷 二

東汪五河夢游黃山

閒思五嶽載藏書。老至天都好結廬。剩水殘山何事業。枝峯蔓壑遂居諸。秋高溪確吞雲急。夜靜丹巢透月虛。從此休糧問方外。朝朝短髮任風梳。

靈隱寺同柳公韓作

流水響前山。蒼雲翳行路。朗開靈隱鐘。近自松開度。兜輿極冥搜。一步幾回顧。白石明松光。陰崖宿元露。一泉碧冷冷。自照春風露。湖山亦蕭條。幸此保幽素。平生邱壑心。對之感生懼。

三宿彥遠水檻

山川不聞故人心。三宿溪室積雨深。一飯紫蒸惟我共。百年丹壑許誰尋。人間斗口近磨蝎。天上盤腰伴醉吟。身世相規風韻古。多生有願願同岑。

舟過東余憶眉老人

眉老當年此築居。頑仙已去祇空廬。移文不愧山中鶴。封禪曾無死後書。歷歷烟波疑有汝。蕭蕭茶竹渺愁予。何心聖世堅泉石。試起先生一問諸。

湖山詩中

村墅桑陰鴨引雛。暗香兩岸送蘼蕪。一身僂僂蓬如穴。四月清和水滿湖。夢載春雲隨近遠。覺來秋露獨頭顱。人生半是移山事。莫笑愚公老更愚。

過鹿城

朝覽鹿城雲。暮對虞山雨。輕刀截流波。孤槳穿芳杜。人家積箇中。彷彿見三戶。古樹俯爲橋。枝撐臂網罟。水石聚清麗。衡茅靜煦乳。濛濛春夏交。風日罕比數。或此浪游人。依依泊南浦。

兩阻虞山之游

我有泉石心。山河不能隔。自昔懷虞山。飛夢越震澤。最愛虞仲名。築此一片石。浮塵視周官。股肱昨八百。嶽秀立千尋。枝峯亦旁魄。蕭蕭翠川水。清音送日夕。泉聲挾雨聲。飛瀉入空碧。仰觀蒼雲馳。將理登高屐。

虞山送春

登山自昔慣悲歌。目斷殘陽喚奈何。五載送春皆客路。不知春已送人多。

弔李金兒墓

金兒章邱人。元末被張士誠俘。使侍其母曹氏。金兒警敏有殊色。妙解術數。曾諫士誠勿居江南。將有大患。雖不見聽。然雅重之。將册爲妃。金兒聞之立逝。墓在常熟西北。初墓爲亂兵所發。其中珠玉。張之乳母得之。其子遂編章邱縣。冒李氏云。

石人排動湧雲區。賈販橫戈相臂呼。征戰朝廷成鹿馬。風塵天地混龍豬。時修恥拜金妃册。胸息旋收玉女符。說與井蓮潭不解。至今殘月冷姑蘇。

英雄說起問同驚。何事神仙亦暗投。赤白未分真帝子。元黃空認女留侯。福山定不藏遺魄。寶玉還將比竊鈎。深處更能存大義。笑焚趙武老章邱。

西軒爲邱李貞題

楚州秋色在城西。千樹梧桐晚綠齊。亂後自餘明月好。霜前仍有子規啼。連山送客悲芳草。向晦齋心對碧溪。十笏一軒書萬帙。蒼雲深隱鳳雛棲。

雨止梨花爲見過山居

君攜卮上月。忽踏白門烟。七日雨方止。一離花正妍。秋茶烹石乳。朝棹閱流年。聞說桃根渡。笙歌壓酒船。

赤石磯柳花下畫集

亂坡臨水賣漿家。十八年前此看花。一去滄江迷客棹。再來白首映仙葩。方山雲物依龍窟。老社金湯泣兔毫。莫放清陰淹永日。夕陽萬雉送歸鴉。

同孫豹人江上看月

大江千里白。寂莫兩人來。夾岸金戈戍。重山鐵壁開。風聞微度磬。波靜穩浮杯。指點殘星盡。題詩待爾才。

贈徐卿

路轉城東蘆木秋。朝雲時日照丹邱。家鄉古塔千秋寺。開倚滄江萬里流。愛客舊維花外馬。忘機自狎水邊鷗。行年五十頭如漆。坐看兒孫種錦裘。

桑墟

桑墟風送馬頭沙。舊有澄湖似若耶。湖草不隨湖水盡。春來偏地作黃花。

老鶴亭

老鶴亭南渡小舟。塞驢三五載沈浮。晴春碧水明如玉。祇與行人照白頭。

公路浦

王家營上見河南。萬井烟沈曉日酣。車馬不休離緒滿。河邊柳色自毵毵。

舟中望嶺山

頂上孤雲似客孤。中峯蒼翠轉模糊。藥苗亦待勞人用。爲問山僧摘得無。貌得山形瓠子肥。看山之背綠羅裙。枯禪野鹿無機事。著我長吟來采薇。

聖秋至自剡門得楊龍方伯書兼有所賦謝

楊子寄書汴水頭。致之者誰韓荆州。開誠朗朗見秋雪。新詩千百驚心眸。溫然尺素語真切。兼損清俸雙精饒。我知楊子作吏如冰。親從學士領藩臬。度支今長大河南。法星舊建山西節。山西昔有王太倉。山川雄峻歸書囊。我亦曾爲晉陽客。栖栖代北心哀傷。兩賢相望後來上。自負歸早不逢君。西顧浮雲氣形喪。馳置茂三雙白璧。登高同指黃沙磧。一雁驚霜落日昏。萬山擁塞峰嶺亦。卽今汜水長東流。大江勢接無春秋。君情浩汗潭千里。萬雲鍾月遙淹留。卻憶悲歌在燕市。手披韋素忘金紫。朝罷元亭閉竹陰。詩成海澱看流水。四年踪跡如雲鴻。釣竿旋節隨西東。韓郎亦作章貢客。側身天地心忡忡。

宣廟御筆歌爲翁溪憲長作

漢梁真人聖曾孫。太平御宇朝華臣。尙書進講日不倦。英姿颯爽儼有神。三楊輔天立憲極。原吉謙嘉謨。謨後瓦剌弭耳黎利伏。容斷迅掃畿南塵。邊機無虞武威飭。大蒐御與臣民親。不言萬壽開夷楚。恥聞祥瑞徵獻席。深宮燕衍玩物壘。金罍土成奇珍。山川花鳥異情狀。圖繪清淑兼輪囷。春雲滄海冬皓潔。雨峯浪浪寒林皺。碧鳥當風草纖頭。銀蟾折尾尾尾細。麟黃紫紅雌女類。枇杷含蕊黃琮勻。鴛鴦喚鴨各自適。四時氣備如生新。聖人藝事通造化。博採在手開乾坤。展觀此圖意愉悅。馳想全盛皇風潛。府歌在廷絃在野。君臣一體勤咨詢。遐天率土盡入貢。空山絕谷無負薪。吮毫怡情萬幾暇。趙十一郎難比論。二百餘年尙完好。不因兵火化陳塵。鴻寶自賴護持力。既散復合同延津。內鄉家世著清白。貽謀此冊良苦辛。焚香恭對什襲藏。庚辰進士臣許宸。

金陵故宮

朝出天津橋。漸漸水帶索。暮行清溪濱。馬渡亂芒屨。陋巷猶居人。宮牆竄鼯貉。云是故宮道。敗堵仍朱索。

國王國史欲亡形史在中原千載兩睚眦

寶應舟中與錢席雲夜話

百川初漲大河秋細纒同牽湖逆流三百水程行六日一年風雨集孤舟公明學易留因卜平子吟詩未
道愁世出世間君見遠深燈夜半散離憂

淮上聞雁作

秋高落葉滿山陔繁纒殘陽對浦漁生事盡看頭上雪行藏聊寄篋中書黃河波浪初開雁白草泥塗懶
跨驢欲洗客愁愁轉劇蒼涼人誤作三閭

曉發穆陵關

朝發穆陵道曉發石子繁霜迷大野關日比故鄉寒曉凍沙河拆天清嶺路盤荒嶠聞戒過長劍馬頭看
嘉平月夜歌贈因菴

昔日太微起西極人如太白學太元及門運策與孫朱傑出更有韓詩賢韓子胸中備元氣渾渾雲漢翻
星淵崑崙移來石城側黃河勢落長江連鳥龍潭水數間屋南岸芙蓉北修竹女士朝雲領話頭老人妙
意同體粥名高豈遂巖泉隱冠蓋金門又徵逐十年出處雖紛然一片閒心在塵鹿我來長安冬已三長
安風暖如江南寄君廬下飲君酒八斗百誰能探文章動業本一致對君始信非空詔殘雞木榻一燈
炯精神歷歷龍泉函嘉平望夕天如鏡雪洗空寒一輪淨興酣起舞影婆娑訥訥園樓自中聖西望冷翠
夜梅傾羽獵長楊畫街靜經綸老手如爲郎一鶚橫天刷霜勁中丞詩句舍人杯大雷喜得參軍詠海內
同歸北斗人

中丞因寄余舍人相友折寄
軍中寄李將軍北斗太微贈句
天涯尚視南風競百舫進酒君莫辭松柏受命獨也正

贈魏環溪都諫

古蔚先生海岳心直聲震世意蕭森踏霜有馬朝趨署窮燭無人夜袖金力穡不虞官俸薄事君祇慰母
恩深退朝一室背閒坐山水橫牀鬱素琴

送姜九之太原

太原驛路出恆山千里雲盤鳥道開馬過井陘多不斷春深汾水雁初還傷心竄髮灰宮闕握手英雄解
劍環念我昔爲經歲客送君惆悵指三關

與張毅儒話舊

十五年餘別三千里路寒相逢如不識一笑豈無端歸鳥依松砌厝冰凍井闕便期明月夜沽酒待子看
李過庭參藩河內

達後十年惟讀書長安蕭寂子雲居嚴霜風倚中原勝使節今勞太史車楚澤香羅懸佩渾條山朝翠引
商盧聞知世德名儒遠清白聲傳到井廬

給札橫經虎觀東還淳今日賴華公誰如汲黯行河內故借匡衡出禁中桑竹祇勤民事朴雲山重繞地
圖雄使君吏治緣經術淇澳詩先采衛風

送叔夜韓六令永嘉

越水吳山路五千君平婆馬去翩翩花城紅濕迎車雨沙嶼青迴買犢田兵後租庸民力盡軍前啓事令
君賢却來功譽乘時立莫羨巖居有少年

雪中懷沈友聖

百篇斗酒興猶飛破研深杯手自揮吟過三更人下榻醉離一步我扶歸情深流水懷湘郢春後狂花惱
杜章相贈舊京龍虎句澄江端不讓元暉

至孝爲錢里張母頌

血出六器姑病以濟身可作舟姑溺以浮惟孝恆德事駭觀聽一往勝天厥惟人定凡人所苦疾病貼危
有婦如此起死撥之是醫王藥是大慈手無忝我生于心何有顧天減算辛以身殉感幽光如日千春
暮春議集柳湖送韓叔夜之永嘉徐存永之中牟黃仲丹之東萊方孟甲之平陽子亦將往福州

松開車馬曉經過古寺風晴通永和兄弟十年同雪跡樽前竟日對烟蘿參月上心期靜柳折春深別
恨多懶散玉山無算酒可憐去住總難陀

聊城南泊

清和天氣雨絲絲烟樹聊城就泊遲最憶江南端午近殘花發滿東甌
柳發

柳發

依人直到海雲邊携囊篷窗祇自憐莫怪石尤偏作惡廿年不使順風船
夏鎮簡顧見山水部

楊白花飛盡蕭然水部居余將觀海若君爲話河渠別久許魚簡官閑鶴髮餘年來度歲月秋夜幾盈虛
懷榮丈戒坐

懷榮丈戒坐

百尺桐陰一寸苔墨香茶熟夢初回木然老衲閒相對車馬過門總不開
舟晚

舟晚

落罷坐船窗風吹草香歇河廣萬星涵長庚大如月
東昌府

東昌府

來經東昌府去過白溝河山川最寥廓只有戰場多
雨後得殘酒無燭舉火謀之初蒞以嫂氏鏡奩中澤髮之膏相貽感而成詩

連朝風雨倒梧桐殘酒酸羹一歎中爲急彼僉心似棘可令吾嫂首如蓬天非失路哀王粲廬下齊眉少
伯通耿耿一燈明破壁小窗歡笑聽兒童

地震已亥八月十八日

地震已亥八月十八日

老樹垂垣白日幽。怪風惡雨過牀頭。月城不沒惟三版。坤軸驚搖動九秋。吳興誰寄尼父史。溪山懶眺越王樓。晚來鼓角商聲發。野客無聊看斗牛。

女姬妾

女姬妾。貧自薄。去相衣。膚凝脂。著眼看。無疵瑕。買如一帽。賣得一斛。

海濱優

海濱優。朝歌暮舞。鐵甲彈。風月十五。烏艘壓渡。優伶爲廚。一紙入公門。遷怒思殺楚。嗚呼。一紙入公門。十年坐囹圄。

三婦泣

三婦聚頭泣。各傷夫作賊。黃堂喚官媒。變價充兵食。一婦五貫。一婦十貫。一婦稍姿容。白金一錠直。九年閉幽室。一朝見天日。大府羽書來。估價不以實。仍驅入幽室。不得見天日。

海濱吏

莫作海濱吏。父母棄道傍。死不含殮傷中腸。陳情向大府。大府言。咄爾令。爾不見太守。爾不見司道。羽書旁午。誰容爾守家園。土中夜哀呼。血淚如雨。出比軍需。血淚析楚。

運糧難

運糧難。汀州斗絕萬山盤。清流之上阻巖巖。清流之下九龍十八灘。在上六七百里。老弱負戴肩背。下山不見公家船。公家船。一去赴省。不得歸還。一日無船。露宿漫漫。二日無船。雨池風殘。一石米。二石費。雨來。又加倍。大府不允折色。剝得幾肝肺。

運草苦

汀州運草尤爲苦。草積船中高丈五。前不開後呼。後不見前所。溪流千曲峯如刀。一失手。問波濤。

雜歌

團團樹如蓋。下有草如帶。僞止食。不拔大雍。

欄江捉大魚。一撒網不收。網斷紐亦弛。貽笑泥中鰍。

取我一口。與我一畝。取我一狗。與我一婦。我與汝爲友。

漁父怨

漁艇不能載馬。漁父不能汎洋。胡爲捉我乎。潯下。熱我乎。河梁。妻子凍餒口無糧。云胡有魚。吾其舍舟而徜徉。

寄錢塘產遠

虎林兵甲接螺江。千里軍聲斷客艤。月下山城春寂寂。風迴石瀨夜淙淙。絲絲鼎耳人長在。弩射潮頭氣可降。卻憶草堂安定史。雲鬟竹葉對香幃。

雲客傳懷園詩來因和以志喜

策推亥子歲當易。藉人天末聊爲歡。辛盤自耐官署苦。炎海卻話燕山寒。故交一別有生氣。新詩萬里能傳看。螺江鯉魚汝珍重。相思字祇寄加餐。

長安大雪沒曉。關山天桃春開。反。喧妍樂烈共此日。漁樵結綫同煩冤。腐心幾時歸老馬。迷淚何必鄰清猿。因樹屋中語。聞道三年詔獄尤深恩。

延津山寺訪陳昌箕博士

鐘州城外。此地合雙龍。寶氣空流水。蒼雲秀九峯。廣文官自冷。名士世稱宗。卻憶承平日。雞壇載筆從。

南歸過仙霞嶺聞芝麓左遷卻寄

客年祇讀過嶺集。今日亦爲過嶺人。剩水殘山愁不斷。頭童齒豁老成真。地維誰補東南缺。雲棧難驅虎豹羣。萬里故人聞再謫。可能使卜白門鄰。

送丁野鶴辭官歸琅琊

萬里蒙衝戰鼓秋。海天一鶴去悠悠。自知彭澤腰難折。亦笑淮陰面止侯。明聖酒杯牽岸舫。琅琊山色著書樓。最憐紫帽中宵月。望斷飛鳬過上頭。

南京司馬歌贈陳德庵使君

南京司馬蘇州守。一住深山經二九。偶然放櫂故宮秋。八首詩成淚三斗。冶城淮水接棲遲。大易離騷不停手。道院霜凝百井。醉余仍買金陵酒。飲君酒。重君心。重君古道輕黃金。登高只作廣武歎。抱膝還成梁父吟。君不見鍾山龍盤石頭虎。長江日送蕭蕭雨。萬歲衣冠拱紫雲。忠貞魂魄依芳杜。

作吳歎歌不成。君爲楚人應楚舞。楚人昔有劉華容。東山草堂入雲峯。擬曹事業多奇偉。尙書舒卷如神龍。丈夫學術自有本。軒輅風牧何能逢。嗚呼軒輅風牧何能逢。

金陵秋感

朝陽門外草連空。下馬牌邊歎息同。精衛難銜滄海石。烏鵲誰挽朔湖弓。龍樓雲氣依稀見。螢道蟠花想像工。欲覓一枝栖杜宇。白頭人泣倦神宮。

霜高落葉掩臺城。一鳥荒隄喚雨鳴。楊柳風疏秋殿迥。芙蓉露冷夜湖明。咸陽版籍歸何處。候景兵戈祗自橫。斷碣蕭蕭衰草裏。幾回拂拭暗雙睛。

將往盱眙

緒山一片夕陽遲。歸鳥柴門繞故枝。劉項戰場看未盡。卻乘羸馬問盱眙。

到盱眙存永留酌山館

五月延津別。都梁喜再逢。風塵悲老驥。竹氣指雙松。花近新豐市。星寒古泗鐘。石泉隣咫尺。夜半聽淙淙。

謁沿州陵

借得支公馬。因過漢代陵。追王崇典禮。大孝及高曾。五德乘衰旺。羣靈尙疑興。悽悽霜露地。同拜有山僧。